

✦

四



居士集卷第四

歐陽文忠公集四

古詩二十四首

贈無爲軍李道士二首 名景仙

無爲道士三尺琴中有萬古無窮音音如石上瀉流
水瀉之不竭由源深彈雖在指聲在意聽不以耳而
以心心意旣得形骸忘不覺天地白日愁雲陰

李師琴紋一作形如卧蛇一彈使我三咨嗟五音商羽

主肅殺颯颯坐上風吹沙忽然黃鍾回暖律當冬草
木皆萌芽郡齋日午公事退荒涼樹石相交加李師

一彈鳳凰聲空山百鳥停嘔啞我恠李師年七十面

目明秀光如霞問胡以然一作試問胡以然笑語我慎

勿辛苦求丹砂惟當養其根自然燁其華一本無又

云理身如理琴正聲不可干以邪我聽其言未云足

野鶴何事還思家抱琴揖我出門去獵獵歸袖風中

斜

拜赦一作

拜赦一作古州南山火明烈烈州人共喧喧兩中扶

白髮丁寧天語深曠蕩皇恩闊乃知天地施幽遠無

間別欣欣草木意喜氣消殘雪

彈琴效賈島體

古人不可見古人琴可彈彈為一作古曲聲如與一作

聞古人言琴聲雖可聽琴意誰能論橫琴置牀頭當

午曝背眠夢見一丈夫嚴嚴古衣冠登牀取之坐一作

我調作南風絃一奏風雨一作來再鼓變雲煙鳥獸

盡嚶鳴草木亦滋蕃乃知太古時未遠可追還方彼

夢中樂心知口難一作傳既覺失其人起坐涕洟瀾

酬學詩僧惟晤

詩三百五篇作者非一人羈臣與弃一作妾桑濮乃

淫奔其言苟一作可取瓌雜不全純子雖一作為佛

徒未易廢其言其言在合理但懼學不臻子佛之一作

與吾儒異轍難同輪一作子何獨吾慕自忘夷其身一作

苟能知所歸固有路自新誘進或可至拒之誠不仁

維詩於文章太山一浮塵又如古衣裳組織一作爛

成文拾其裁剪餘未識衮服尊嗟子學雖一作勞徒

自苦骸筋一作涉江津一作近勤勤袖卷軸一歲三及門一作惟

何求一言榮歸以耀一作輝一作其倫與夫榮其膚不若啓

一作若習一作豈一作其源韓子亦嘗謂收斂加以一作冠巾

別後奉寄聖俞二十五兄一本作敘別寄聖俞兼酬進道堂夜

話見寄之作

長河秋雨多夜插寒潮一作入歲暮孤舟遲客心飛

鳥急君老忘卑窮文字或綴緝余生苦難厄一作世

險蹈已習離合二十年乖睽多聚集常時飲酒別今

別輒飲泣君曰吾老矣不覺兩袖濕我年雖少君白

髮已揖揖即入憶初京北門送我馬暫立自茲遭檻

穽一落誰引汲顛危偶脫死藏竄甘自繫一作蟄一作但令

身尚在果得手重執聞來喜迎前貌改驚乍揖別離

纔幾時舊學廢百十殘章一作與斷藁草草各收拾

空窻一作語青燈夜雨聽霰霰一作明朝解舟南歸

翼縱莫戢還期明月飲幸此中秋及酒酣弄篇章四

坐困供給歡言正喧譁別意忽於邑日暮北亭上濁

醪聊一作共挹輕歸一作撓動翩翩晚水明熠熠行心

貪一作去雖迫訣語出猶澁歸來錄君詩卷軸多臍臍

誰維一作云已老矣意氣何業岌惜哉方壯時千里足

常帶知之莫予深力不足呼吸歎吁偶成篇聊用綴

君什

紫石屏歌一本作月石硯屏歌寄蘇子美

月從海底來行上天東南正當天中時下照千丈潭

潭心無風月不動倒影射入紫石巖月光水潔石瑩

淨一作徹一作感此陰魄來中潛自從月入此石中天有兩

曜分為三清光萬古不磨滅天地至寶難藏緘天公

呼雷公夜持巨斧墮巖墮此一片落千仞皎然寒

鏡在玉匳蝦蟇白兔走天上空留桂影猶杉杉一作

景山得之一作號一作惜不得贈我意與比一作千金兼自

云每到月滿時石在暗室光出簷大哉天地間萬恠

難悉談嗟予不度量每事思窮探欲將兩耳目所及

而與造化爭毫纖煌煌三辰行日月尤尊嚴若令下

與物為比去聲擾擾萬類將誰瞻不然此石竟何物有

口欲說嗟如鉗吾竒一作蘇子胸羅列萬象中包含

不惟胸寬膽亦大屢出言語驚愚凡自吾得此石未

見蘇子心懷慚不經老匠先指決有手誰敢施鐫鑿
呼工畫石持寄似此一作幸子留意其無謙

聚星堂前紫薇花

亭亭紫薇花向我如有意高煙晚溟濛清露晨點綴
豈無陽春月所得時節異靜女不爭寵幽姿如自喜
音將期誰顧眄獨伴我憔悴而我不疆飲繁英行亦
墜相看兩寂寞孤詠聊自慰

獲麟贈姚闢先輩

世已無孔子獲麟意誰知我嘗爲之說聞者未免非
而子獨曰然有如墁應筮惟麟不爲瑞其意乃可推

春秋二百年文辭

一作

約義甚夷一從聖人沒學者自

爲師崢嶸衆家說平地生嶮巖相公益迺各闢出

新奇爾來千餘歲

一作

千載餘舉世不知迷焯哉聖

人經照耀萬世疑自從蒙衆說日月遭蔽虧常患無

氣力掃除浮雲披還其自然光萬物皆見之子昔已

好古此經手常持超然出衆見不爲俗牽卑近又脫

賦

一作

格飛黃擺銜羈聖門開大道夷路肆騰嬉便

可勦衆說旁通

一作

塞多岐正途趨

一作

簡易慎勿

事嶇崎著述須待老積勤宜少時苟思垂後世大禹

尚胼胝顧我今老矣兩瞳

一作

目蝕昏眵大書難久

視心在力已衰因思少自弃今縱悔可追戒我以勉
子臨文但吁嘻

喜雨

大雨雖霧霈隔轍分晴陰小雨散浸淫為潤廣且深
浸淫苟不止利澤何窮已無言雨大小一作言雨小
大小異
雨農尤喜宿麥已登實新禾未抽秧一作穗及時一日
雨終歲飽豐穰夜響流霖霖晨暉霽蒼涼川原淨如
洗草木自生光童稚喜瓜芋耕夫望陂塘誰云田家
苦此樂殊未央

飛蓋橋翫月

一本題上有
六月十四夜

天形積輕清水德本虛靜雲收風波止始見天水性
澄光與粹容上下相涵映乃於其兩間皎皎掛寒鏡
餘暉所照耀萬物皆鮮瑩矧夫人之靈豈不醒視聽
而我於此時脩一作倏然發孤詠紛昏忻洗滌俯仰恣
涵泳一本無人心曠而閑月色高愈逾一作迥惟恐清
夜闌時時瞻斗柄

竹間亭

啾啾竹間鳥日夕相嚶鳴悠悠水中魚出入藻與萍
水竹魚鳥家伊誰作斯亭翁來無車馬非與彈弋并
潛者入深淵飛者散縱橫奈何翁屢來浪使飛走驚

忘爾榮與利脫爾冠與纓還來尋魚鳥傍此水竹行
鳥語弄蒼翠魚遊翫清澄而翁乃何為獨醉還自醒
三者各自適要歸亦同情翁乎知此樂無狀日來登

答呂公著見贈

一本作奉答通判太博為予不飲見贈之作

晉人歌蟋蟀孔子錄於詩因知聖賢心豈不惜良時
行樂不及早朱顏忽焉衰馳光如驟裏一去不可追
今也不疆飲後雖悔奚為三年謫未陽陷窞不知危
種樹滄幽谷疏泉瀉清池新陽染山木撩亂發枯枝
無人歌青春自醕白玉卮今者荷寬宥一作乞得
州從爾宜西湖舊已聞既見又過之齒蒼間紅綠鴛

鴛浮渺瀰四時花與竹罇俎酒

一作動可隨况與賢者

同薰然襲

一作棹

蘭芝醪醅寒且醪清唱婉而遲

一作奇

四坐各已醉臨觴獨何疑昔人逢麴車流涎尚垂頤

况此盃中趣久得樂無涯多憂衰病早心在良可噫

一作嘻

譬若卧櫪馬聞鞞

一作鼓

尚鳴悲春膏已動脉

一作

忽已百卉漸歲蕤丹砂得新方舊疾庶可治尚可執

鞭弭周旋以忘疲

送滎陽魏主簿

廣一本作送魏廣

卓犖東

一作魏

都子姓名聞十年窮冬雪塞空千里至

我門子足未及闕我衣驚倒顛僕童

一作童僕相視疑寮

吏或不然俛首鵠鶴啄進趨鳧鴈聯青衫靴兩兩一作
脚言色倩一作情以温於公門豈少乃獨得公權受知
固不易知士誠尤難我思屈童吏欲辯難以言觴豆
及嘉節高堂列群賢文章看落筆論議馳後先破石
出至寶決高瀉長川光暉相磨晻浩渺肆波瀾寮吏
愧我歎僕童童一作僕恪生顏我顧寮吏嘻士豈以此觀
此聊為戲耳以驚僕童童一作僕昏士欲見其守視其居
賤貧欲知其所趨試以義利干我始識其面已窺其
肺肝禮有來必往木瓜報琅玕十年思見之一日捨
我還何用慰離居贈子以短篇

青松贈林子

國華一本作
贈林國華秘校

青松生而直繩墨易為功

一作良玉有天質少加

假磨與礪子誠懷美材

一作君實
有美材

但未遭良工養育

既堅好英華充厥中於誰以成之孟韓荀暨雄

人日聚星堂燕集探韻得豐字

汙池以其下衆流之所鍾尺水無長瀾蛟龍豈其容
顧予誠鄙薄群俊枉高蹤得一不為少雖多肯辭豐
譬如登圓壇羅列壁與琮又若饗鈞天左右間笙鏞
文章爛照耀應和相撞春而予處其間眩晃不知從
退之亦嘗云青蒿倚長松新陽發群枯生意漸丰茸

暮雪浩一作方積醪醅寒更濃母言輕此樂此樂難
屢逢

橄欖

五行居四時維火盛南訛炎焦陵木氣橄欖得之多
酸苦不相入初爭义方和霜苞入中州萬里來江波
幸登君子席得與衆果羅中州衆果佳珠員玉光瑳
媿茲微陋質以遠不見訶飭飴兒女甜遺味义則那
良藥不耳口厥功見沉痾忠言初狀之事至悔若何
世已無採詩詩成爲君哦

鸚鵡螺

大哉滄海何茫茫天地百寶皆中藏牙鬚一作鬚甲角

爭光鉉腥風恠雨灑幽荒珊瑚玲瓏巧綴裝珠宮貝

闕爛煌煌泥居殼屋細莫詳紅螺行沙夜生光一本

宮貝闕爛煌煌泥居殼室細莫詳珊瑚玲瓏負材自

巧綴粧腥風恠雨灑幽荒紅螺行沙夜生光一本

累遭剗腸匹夫懷璧古所傷濃沙剝蝕隱文章注一本

人謂硃砂爲磨以玉粉綠一作鉛金黃清罇旨酒列華

堂隴鳥回頭思故鄉美人清歌蛾眉揚一醕凜冽回

爲一作春陽物雖微遠用則彰一螺千金價誰量豈若

食糟民

田家種糯官釀酒權利秋毫升與斗酒沽得錢糟弃
 物一作不弃大屋經年堆欲朽酒醅灑潏如沸湯東風來
 吹酒瓮香纍纍罌與甌惟恐不得嘗官沽味醲村酒
 薄日飲官酒誠可樂不見田中種糯人釜無糜粥度
 冬春還來就官買糟食官吏散糟以為德嗟彼官吏
 者其職稱長民衣食不蠶耕所學義與仁仁當養人
 義適一作識宜言可聞達力可施上不能寬國之利下
 不能飽爾一作民之饑我飲酒爾食糟爾雖不我責我
 責何由逃

送焦千之秀才

焦生獨立士勢利不可恐誰言一身窮自待九鼎重
 有能揭之行可謂仁者勇呂侯一作倅相家子德義勝
 華寵焦生得其隨道合若膠鞏始生及吾門徐子喜
 驚踊曰此難至寶一失何由踵自吾得二生一作子粲
 粲獲雙珙柰何奪其一使我意紛蕪吾嘗愛生材抽
 擢方鬱翁音委勇反一作翁猶須老霜雪然後見森聳况從
 主人賢高行可傾竦讀書趨簡要害說去雜冗新文
 時我寄庶可蠲煩壅

伏日贈徐焦二生

一本作徐焦二子伏日遊西湖余以病不能往因以

贈之

徐生純明白玉璞焦子皎潔寒泉冰清光瑩爾互輝
映當暑自可消炎蒸平湖綠波漲渺渺高榭一作古

木陰層層嗟哉我豈不樂此心雖欲往身未能俸優
食飽力不用官閑日永一作心樂睡莫興不思高飛慕鴻

鵠反此愁卧償蚊蠅三年永陽子所見山林自放樂
可勝清泉白石對斟酌巖花野鳥一作草為交朋崎嶇

澗谷窮上下追逐猿狖爭超騰一作陛酒美賓佳足自
負飲酣氣橫猶驕矜奈何乖離纔幾日蒼顏非舊白

髮增疆歡徒勞歌且舞勉飲寧及合與并行揩眼眇
徒一作旋看物坐見樓閣先愁登頭輕日明脚力健羨

子志氣將飄凌只今心意已如此終竟事業知一作將
何稱少壯及時宜努力老大無堪還可憎

寄生槐一本題上有答
張推官庭槐

檜惟凌雲材槐實凡木賤奈何柔脆質累此孤高榦
龍鱗老蒼蒼鼠耳光粲粲因緣初莫原感吒徒自歎
偷生由附託得勢爭葱蒨方其榮盛時曾莫見真贗
欲知窮悴節宜試以霜霰萌芽起微蘖辨別乖先見
剪除初非難長養遂成患雖然根性殊常恐枝葉亂
惟應植者深幸不習而變含容固有害勦絕須明斷
惟當審斤斧去惡無傷善

韓公一本公閱古堂

兵閑四十年士不識金革水旱數千里民流誰懇關
公初來視之嘻此乃予責將法多益辦萬千由十百
整齊一作容談笑間進退有寸尺曰此易為耳在吾繩
與墨天成而地出古所重民食貯儲非一朝人命在
旦夕惟茲將奈何敢不竭吾力木牛尚可運王鏊一作
磬猶走糴因難乃見材不止將有得公言初未信終
歲考成績驕惰識恩威謳吟起羸瘠貌貅著行伍倉
廩飽堆積文章娛閑暇一作弄傳記尋一作觀往昔英
英文與武粲粲圖四壁酒令列諸將談鋒摧辯客周

旋顧視間是不為無益循吏一州守將軍萬夫敵於
公豈止然事業本夔稷富壽及黎庶威名懾夷狄當
歸廟堂上有位父一作况虛席大匠不揮斧衆工隨指
畫從容任群材文武各以職

永州萬石亭

寄知永州王顧一本上有寄題注云柳子厚亭

天於生子厚稟予獨艱哉超凌驟拔擢過盛輒傷摧
苦其危慮一作厲心常使鳴聲哀投以空曠地縱橫放
天才山窮與水險下上極沿洄故其於文章出語多
崔嵬人迹所罕到遺蹤久荒頽王君好奇士後二百
年來翦薶發幽蒼搜尋得瓊瑰感物不自貴因人乃

為材惟知古可慕豈免今所哈我亦竒子厚開編每
徘徊作詩示同好為我銘山隈

居士集卷第四

熙寧五年秋七月男發等編定

紹熙二年三月郡人孫謙益校正

答呂公著見贈百卉漸歲蕤按字書萎於危切草
木枯兒 云春膏已動脈 有萎枯之理當作歲
蕤歲蕤草木花垂兒 詩文物共歲蕤東都賦望
翠之歲蕤今改作歲

贈李道士

石本作贈宗教牙石本作芽惟當石本作燁石
李尊師名景仙

作

別後寄聖俞夜插

一作君老去一作難阨一作檻一作穿一作

作

紫石屏歌在玉匳

在生

獲麟難久視難一作雖吁嘻吁一作意

飛蓋橋翫月風波浪一作浪

答呂公著晉人一作昔人

送魏主簿我歎歎一作我

人日聚星堂燕集探韻得豐字豐一作松

閣古堂周旋一作摠衣

萬石亭於文章於一作為

居士集卷第五

歐陽文忠公集五

古詩一十八首

答原父一作答劉廷評

炎歊鬱然蒸午景熾方燄子來清風興蕭蕭吹几簟

又如沃瓊漿遽飲不知厭嗟予學苦晚白首困鉛槧

危疑奚可一作所質孔孟久已窆群儒室自私惟子通

且瞻幸時丐羸餘屢得飽饑歉嚴嚴一作落落春秋經大

法誰敢覘一本有譬猶天之蒼乃欲學而染兩句三才失網紀一作網五

代極昏墊盜竊恣胙一作發篋英雄爭奮劍興亡兩倉

卒事迹多遺欠一作纔能紀成敗豈暇誅姦僭聞見

患孤寡一作是非誰證驗嘗欣同好惡遂乞指瑕玷

反蒙葦衾裹如譽嫫母豔救非當在早已暴一作何

由歛苟能哀廢痼其可借針砭風舲或許邀湖綠方

濼濼

蠱鳴

葉落秋水冷衆鳥聲已停陰氣入墻壁百蟲皆夜鳴

蟲鳴催歲寒唧唧機杼聲時節忽已換壯心空自驚

平明起照鏡但畏白髮生

奉答子華學士一作安撫江南見寄之作

一本無下四字

百姓病已久一言難遽陳良醫將治之必究病所因

天下久無事人情貴因循優游以為高一作寬縱以

為仁今日廢其小皆謂不足論明日壞其大又云力

難振旁窺各陰拱當職自逡巡歲月寢隳頽紀綱遂

紛紛坦坦萬里疆蚩蚩九州民昔而安且富今也迫

以貧疾小不加理浸淫將徧身湯劑乃常藥未能去

深根鍼艾有奇功暫痛勿吟呻痛定支體胖乃知鍼

艾神猛寬相濟理古語六經存蠹弊革僥倖濫官絕

貪昏牧羊而去狼未為不仁人俊又沉下位惡去善

乃伸賢愚各得職不治未之聞此說乃其要易知行

每艱遲疑與果決利害反掌間捨此欲有為吾知力

徒煩家至與戶到飽饑而衣寒三王所不能豈特令

所一作蠲難我昔忝諫列日常趨紫宸聖君堯舜心

閔閔極憂勤子華當來時王音耳嘗親上副明主意

下寬斯人屯江南彼一方巨細到可詢一作論以上

恩德當冬反陽春吾言乃其槩一作非止一方云

送張洞推官赴未興經略司一本云送栗推官掌機

自古天下士及時難必成為謀於未然聰者或莫聽

患至而後圖智者有不能未遠前日悔可為來者銘

熙熙彼西人老死織與耕狂狴一作氏一朝叛烽火四

面驚用兵五六年兇惡竟逃刑仰賴天子聖乾坤量

包弁苗頑不率德舜羽舞于庭謂此雖異類有生亦

含情藩籬被觸突譬若豨與羶馴擾以芻豢可呼隨

指令稱藩效臣職冠帶復人形四海得休息瘡痍肉

新生敢問前孰失恃安而弛兵酒肴為善將循默乃

名卿慮患謂生事高談笑難行一方兵遽起愚智共

營營上煩天子仁盱食憂吾恨謀議及臺阜幽棲訪

巖扃小利不足為消流助滄溟太功難速就倉卒始

改更徒自益紛擾何由集功名乃知深遠畫施設在

安平今也實其時鑑前豈非明嚴嚴經略府罇俎集
豪英千營飽而嬉萬馬牧在垣相公黃閣老與國爲
長城張子美而秀文章博群經從軍古云樂知己士
所榮感激報恩義當來請長纓

寄聖俞

一作因馬察院至云見聖俞於城東輒畫長韻奉寄

凌晨有客至自西爲問詩老來何稽京師車馬曜朝
日何用擾擾隨輪蹄面顏憔悴暗塵土文字光彩墜
虹霓空腸時如秋蛭叫苦調或作寒蟬嘶語言雖巧
身事拙捷徑耻蹈行非迷我今俸祿飽餘賸念子朝
夕勤鹽壑舟行每欲載送米汴水六月乾無泥乃知

此事尚難必何況仕路如天

一作梯

朝廷樂善得賢

衆臺閣俊彥聯簪犀朝陽鳴鳳爲時出一枝豈惜容
其棲古來磊落材與知窮達有命理莫齊悠悠百年
一瞬息俯仰天地身醢雞其間得失何足校况與鳧
鷺爭稗穉憶在洛陽年各一作各年少對花把酒傾玻瓈

二十年間幾人在在者憂患多乖睽我今三載病不

飲眼眵不辨駟與驪壯心銷盡憶閑處生計易足纔
疏畦優游琴酒逐漁釣上下林壑相攀躋及身疆作一

壯健始爲樂莫待衰病須扶攜行當買田清潁上與
子相伴把鋤犁

有馬示徐無黨

吾有千里馬毛骨何蕭森疾馳如奔風白日無留陰
徐驅當大道步驟中五音馬雖有四足遲速在吾心
六轡應吾手調和如瑟琴東西與南北高下山與林
惟意所欲適九州可周尋至哉人與馬兩樂不相侵
伯樂識其外徒知價千金王良得其性此術固已深
良馬須善馭吾言可爲箴

天辰

天形如車輪晝夜常不息三辰隨出沒曾不差分刻

一本有其行亦何勤
乾健貴於易兩句 北辰居其所帝座嚴尊極衆星

拱而環大小一作小各有職不動以臨之任德不任力
天辰主下土萬物由生殖一動與一靜同功而異域
惟王知法此所以治萬國

再和聖俞見答

兩畿相望東與西書來三日猶爲稽短篇投子譬瓦
礫敢辱報之金裹蹄文章至寶被埋沒氣象徃徃干
雲霓飛黃伯樂不世一作竝出四顧驤首空長嘶嗟哉
我豈敢一作能知子論詩一作經賴子初指迷子言古淡

有真味大羹豈須調以齏憐我區區欲疆學跛鼈曾
不離汙泥問子初何得臻此豈能直到無階梯如其

所得自勤苦何憚入海求靈犀周旋二紀陪唱和凡
翼每竝鸞皇棲有時爭勝不量力何異弱魯攻疆齊
念子京師苦憔悴經年陋巷聽朝音潮一作晨鷄兒啼妻
噤一作嘻一作午未飯得米寧擇糝與稊石上紫豪一作毫家
故有剡藤瑩滑如玻璃追惟平昔念少壯零落生死
嗟分睽一揮累紙恣奔放駿一作若駕駱仍驂驪腹
雖枵虛氣豪橫猶勝諂笑病夏畦名聲不朽豈易得
仕宦得路終當躋年來無物不可愛花發有酒誰同
攜問我居留亦何事方春苦旱憂民犁

感春雜言

一本題下有和呂公著

鳩鳴兮屋上雀噪兮簷間百鳥感春陽有如動機關
雄雌相呼和日夕聒聒不得閑砌下兩株樹枯條有
誰攀春風一夜來花葉何班班乃知天巧奪人力能
使枯木生紅顏奈何人為萬物靈不及草木與飛翾
自從春來何所覺但恠睡美不覺白日高南山行逢
百花不着眼豈念四氣如回環却思年少憶一作念前
事雖有駟駿難追還奈何來日尚可樂曾不勉疆相
牽扳淶酒如春波黃金為誰慳人生一世中一步一作
笑百險艱俟河之清不可得聊自歌此譏愚頑

廬山高贈同年劉中允歸南康

廬山高哉幾千仞兮根盤幾百里截然屹立乎長江
長江西來走其下是爲揚瀾左里一作兮洪濤巨浪
日夕相舂撞雲消風止水鏡淨泊舟登岸而遠望兮
上摩青蒼雲一作以掩靄下壓厚土之鴻龐試往造乎
其間兮攀緣石磴窺空窅千巖萬壑響松檜懸崖巨
石飛流淙水聲聒聒亂人耳六月飛雪灑石砭仙翁
釋子亦徃徃而逢兮吾嘗惡其學幻而言咤但見丹
霞翠壁遠近映樓閣晨鍾暮鼓杳靄羅幡幢幽花野
草不知其名兮風吹露濕香澗谷時有白鶴飛來雙
幽尋遠去不可極便欲絕世遺紛瘡羨君買田築室

老其下插秧盈疇兮釀酒盈缸欲令浮嵐暖翠千萬
狀坐卧常對乎軒窻君懷磊砢有至寶世俗不辨珉
與珏策名爲吏二十載青衫白首困一邦寵榮聲利
不可以苟屈兮自非青雲白石有深趣其氣兀肆何
由降丈夫壯節似君少嗟我欲說安得巨筆如長杠

送徐生一作徐無黨之澠池

河南地望雄西京相公好賢天下稱吹噓死灰生氣
燄談笑暖律回嚴凝曾陪罇俎被顧盼羅列臺閣皆
名卿一本徐生南國後來秀得官古縣依嶠陵脚靴
手板實卑賤賢俊未可吏事繩携文百篇赴知巴西

望未到氣已增我昔初官便伊洛當時意氣尤驕矜
主人樂士喜文學幕府最盛多交朋園林相映花百
種都邑四顧山千層朝行綠槐聽流水夜飲翠幙張
紅燈爾來飄流二十載鬢髮蕭索垂霜冰同時並遊
在者幾舊事欲說無人應一作文章無用等畫虎名
譽過耳如飛蠅榮華萬事不入眼憂患百慮來填膺
羨子年少一作正得路有如扶桑初日昇名高場屋
已得儁世有龍門今復登出門相送親與友何異籬
鷓瞻雲鵬嗟吾筆硯久已格感激短章一作因子興

葛氏鼎

一本有歌字

大河昔决東南流蕭條東郡今遺湫我從故老問其
由云古五鼎藏高丘地靈川秀草木稠鬱鬱佳氣蒸
常浮惟物伏見數有周祕藏竒恠神所搜天昏地慘
鬼哭幽至寶欲出風雲愁蕩搖山川失維陬九龍大
戰驅蛟虬割然岸裂轟雲羈滑人夜驚鳥嘲啁婦走
抱兒扶白頭蒼生仰叫黃屋憂聚徒百萬如蚍蜉千
金一掃隨浮漚天旋海沸動九州此鼎始出人間留
滑人得之不敢收竒模古質非今侔器太難用識者
不以示世俗遭擲撇明堂會朝饗諸侯饗官百品供
王羞調以五味烹全牛時有用捨吾無求二三子學

雕琳球見之始驚中歎愀披荒斲古爭窮蒐苦語難
出聲咿嘍馬圖出河龜一作龍負疇自古恠說何悠悠
嗟吾老矣不能休勉疆作詩慙效尤

太白戲聖俞一作讀李白集效其體

開元無事一作太平二十年五兵不用太白閑太白之精

下人間李白高歌蜀道難蜀道之難難於上青天李

白落筆生雲煙千竒萬險不可攀却視蜀道猶平川

官娃扶來白已醉醉裏詩成醒不計忽然一作乘興

登山龍咆虎嘯松風寒山頭婆娑弄明月九域塵

土一作下悲人寰吹笙飲酒紫陽家紫陽真人駕雲

車空山流水空流花飄然已去凌青霞下看一作堪笑區

區郊與鳥螢飛露濕吟秋草

邊戶

家世爲邊戶年年常備胡兒僮習鞍馬婦女能彎弧
胡塵朝夕起虜騎茂如無邂逅輒相射殺傷兩常俱
自從澶州盟南北結歡娛雖云免戰鬪兩地共賦租
將吏戒生事廟堂爲遠圖身居界河上不敢界河漁

梅聖俞寄銀杏一作和聖俞銀杏見寄代書之作

鷲毛贈千里所重以其人鴨脚雖百箇得之誠可珍
問予得之誰詩老遠且貧霜野摘林實京師寄時新

封包雖甚微採掇皆躬親物賤以人貴人賢棄而淪
開緘重嗟惜詩以報慇懃

與子華原父小飲坐中寄同州江十學士休

復

歲晚忽不樂相過偶乘閑百年纔幾時一笑得亦艱
有酒醉嘉客無錢買嬌鬟問予官何爲侍從聯朝班
朝廷多賢材何用蒯與管白髮垂兩鬢黃金罍九環
奈何章綬榮飾此木石頑於國略無補有慙常在顏
幸蒙二三友相與文字間江子獨捨我是一作高鴻去
難攀秋風動沙苑郡閣當南山吟詠日多暇詔條寬

可頒寒雲雪

一作幕

紛糝幽鳥春絲蠻勝事日向好思

君何時還

述懷

歲律忽其周陰風慘遼夔孤懷念時節朽質驚衰病
憶始來京師街槐綠方映清霜一以零衆木少堅勁
物理固如此人生寧久盛當時不樹立後世猶譏評
顧我實孤生饑寒談孔孟壯年猶勇爲刺口論時政
中間蒙選擢官實居諫諍豈知身愈危惟恐職不稱
十年困風波九死出檻穽再生君父恩知報犬馬性
歸來見親識握手相弔慶丹心皎雖存白髮生一作日

已逸慙無羽毛彩來與鸞皇竝鍛翮追群翔孤啖驚
衆聽嚴嚴玉堂署清禁肅而靜職業愧論思文章慙
誥命厚顏難久居歸計無荒徑偷閑就朋友笑語雜
嘲詠歡情雖索寞得酒猶豪橫群居固可樂寵祿尤
難幸何日早收身江湖一漁艇

和劉原父澄心紙

一作奉賦
澄心堂紙

君不見曼卿子美真竒才久已零落埋黃埃子美生
窮死愈貴殘章斷藁如瓊瑰曼卿醉題紅粉壁壁粉
已剝昏煙煤河傾崑崙勢曲折雪壓太華高崔嵬自
從二子相繼沒山川氣象皆低摧君家雖有澄心紙

有敢下筆知誰哉宣州詩翁餓

一作飢

欲死黃鵠折翼

鳴聲哀有時得飽好言語似聽高唱傾金壘二子雖
死此翁在老手尚能工翦裁奈何不寄反示我如棄
正論求俳詼嗟我今衰不復昔空能把卷闔且開百
年干戈流戰血一國歌舞今荒臺當時百物盡精好
徃徃遺棄淪蒿萊君從何處得此紙純堅瑩賦卷百
枚官曹職事喜一作樂閑暇臺閣唱和相追陪文章自
古世不乏間出安知無後來

居士集卷第五

熙寧七年秋七月男發等編定

紹熙二年三月郡人孫謙益校正

答原父蕭蕭

一作蕭蕭

嘗欣

一作常欣

答子華濫官

一作庸

下寬

一作衰

寄聖俞俸祿

一作祿俸

送徐生幕府

一作下

葛氏鼎轟雲轟

一作雲雷

太白戲聖俞龍咆

一作石本

九域

一作石本

空山

一作石本

山下

看

一作石本

澄心紙空能

一作徒能

居士集卷第六

歐陽文忠公集六

古詩二十五首

奉使契丹道中答劉原父桑乾河見寄之作

憶昨初受命同下紫宸朝問君當何之笑指北斗杓

共念到幾時春風約回鑣所持既異事前後忽相遼

歲月坐易一作若失山川行知遙回頭三千里雙闕在

紫霄我老倦鞍馬安能事吟嘲君才綽有餘新句益

亦一作飄飄前日逢呂郭解鞍憇山罾僮僕相問喜馬

鳴亦蕭蕭出君桑乾詩寄我慰寂寥又喜前見君相

期駐征軺雖知不久留一笑樂亦聊歸路踐冰雪還
家脫狐貂君行我即至春酒待相邀

書素屏

我行三千里何物與我親念此尺素屏曾不離我身
曠野多黃沙當午白日昏風力若牛弩飛砂還射人
暮投山椒館休此車馬勤開屏置牀頭輾轉夜向晨
卧聽穹廬外北風驅雪雲勿愁明日雪且擁狐貂温
君命固有嚴羈旅誠苦辛但苟一夕安其餘非所云

馬齧雪

馬饑齧雪渴飲

一作行踏冰

北風卷地來

一作寒

崢嶸馬悲

躑躅人不行日暮塗遠千山橫我謂行人止歎聲馬
當勉力無悲鳴白溝南望如堂平十里五里長一作長亭
與短亭臘雪銷盡春風輕火燒原頭青草生遠客還
家紅袖迎樂哉人馬歸有程男兒雖有四方志無事
何須一作煩勤遠征

風吹沙

一本題上有北字

北風吹沙千里黃馬行确犖悲摧藏當一作窮冬萬物

慘顏一作無

色冰雪射日生爭一作

光芒一年百日風塵

道安得朱顏長美好攬鞍鞭一作起馬行勿遲酒熟

花開二月時

重贈劉原父一作憶昨呈劉原父

憶昨君當使北時我往別君飲君家愛君小鬟初買
得如手未觸新開花醉中上馬不知夜但見九陌燈
火人誼譁歸來不記與君別酒醒起坐空容嗟自言
我亦隨往矣行即逢君何恨邪豈知前後不相及歲
一作日月忽忽行無涯古北嶺口踏新雪馬孟山西看
落霞風雲一作雪暮慘失道路礧谷夜靜聞磨磨行迷
方嚮但看日度盡山險方逾一作行沙客心漸遠誠易
感見君雖晚喜莫加我後君歸祗一作纔十日君先躍
馬未足誇新年花發見回鴈歸路柳暗藏嬌鴉而今

一作今來春物已爛熳念昔草木冰未芽人生每苦勞事
役老去尚能憐物華從今有暇即相過安得載酒長
盈車

贈沈遵一作贈沈博士歌并序

一本序云予昔於滁州作醉翁亭於琅琊山有記刻石往往傳人間大常博士沈遵好奇之士也聞而往遊焉愛其山水歸而以琴寫之作醉翁吟一調惜不以傳人者五六年矣去年冬予奉使契丹沈君會予恩冀之間夜闌酒半出琴而作之予既嘉客之好尚又愛其琴聲乃作歌以贈之

群動夜息浮雲陰沈夫子彈醉翁吟醉翁吟以我名
我初聞之喜且驚宮聲三疊何泠泠酒行暫止四坐

傾一本有為君屏百慮有如風輕日暖好鳥語夜靜

山響春泉鳴坐思千巖萬壑醉眠處寫君三尺膝上

橫沈夫子恨君不為醉翁客不見翁醉一作山間亭

翁歡不待絲與竹把酒終日聽泉聲有時醉到枕谿

石青山白雲為枕屏花間百鳥喚不覺日落山風吹

自醒一本有沈夫子君過滁陽令幾時滁人皆喜醉

歸酌酹插花我時四十猶疆力自號醉翁聊戲客爾來

憂患十年間一本客字下作爾來纔十年遇鬢髮未

老嗟先白滁人思我雖未忘見我今應不能識沈夫

子愛君一罇復一琴萬事不可干其心自非曾是醉

翁客莫向俗耳求知音一本末兩句作高懷所得貴

人生不飲酒惟知白首戀黃金

答聖俞一本題下有高車見過

人皆喜詩翁有酒誰肯一醉之嗟我獨無酒數往從

就一作翁何所為翁居南方我北走世路離合安可期

汴渠千艘日上下來及水門猶未知五年不見勞夢

寐三日始往何其遲城東賺河有名字萬家弃水為

汙池人居其上苟賢者我視此水猶漣漪入門下馬

解衣帶共坐習習清風吹溼薪熒熒煮薄茗四顧壁

立空無遺萬錢方丈飽則止一瓢飲水樂可何一作涯

況出新詩數十首珠璣大小光陸離他人欲一不可

有得一作君家筐篋滿莫持才大多一作名高乃富貴豈

比金紫包愚癡貴賤同為一丘土聖賢獨長一作如星

日垂道德內樂不假物猶一作須朋友并良時蟬聲

漸已變秋意得酒安問醇與醅玉堂官閑無事業親

舊幸可從其私與翁老矣會有幾當弃百事勤追隨

感興五首齋於醴泉宮作

奉祠嚴秘館攝事整精神歲晏悲木落天寒聞鶴鳴

念昔丘壑趣豈知朝市情弱齡嬰仕宦壯節慕功名

多病慙厚祿早衰歎餘生未知犬馬報安得遂歸耕

懷祿不知慙人雖不吾責貧交重意氣握手猶感激

煌煌署間金兩鬢颯已白有生天地間壽考非金石

古人報一飯君子不苟得憂來自悲歌涕淚下沾臆

清夜雖云長白日亦易晚循環百刻中勢若丸走坂

盈虧自相補得失何足算餐霞可延年飲酒誠自損

未知辛苦長孰若適意短二者一何偷百年皆不免

顏回不著述後世存愈遠聖賢非虛名惟善為可勉

仕宦希寸祿庶無饑寒迫讀書事一作文章本以代

耕織學成頗自喜祿厚愈多責挾山以超海事有非

其力君子貴量能無輕食人食

唧唧復唧唧夜歎曉未息蟲聲急愈尖病耳聞若刺
壯士易為老良時難再得日月相隨東天行自西北
三者不相謀萬古無窮極安知人間世歲月忽已易

吳學士石屏歌一作和張生鷓樹屏一無和字

晨光入林衆鳥驚膈膊群飛鴉亂鳴穿林四散投空
去黃口巢中饑待哺雌者下啄雄高盤雄雌相呼飛
復還空林無人鳥聲樂古木參天枝屈蟠下有恠石
橫樹一作其間煙埋草沒苔蘚斑借問此景誰圖寫乃
是吳家石屏者號工剗山取山骨朝鑿暮斲非一日
萬象皆從石中出吾嗟人愚不見天地造化一作造物之

初難乃云萬物生自然豈知鑄鑿刻畫醜與妍千狀
萬態不可殫神愁鬼泣晝一作日夜不得閑不然安得
巧工妙手憊精竭思不可到若無若有縹緲生雲煙
鬼神功成天地惜藏在號山深處石惟人有心無不
獲一作乃知人天地雖神一作公藏不得又疑鬼神
好勝憎吾儕欲極竒恠窮吾才乃一作故傳張生自西
來吳家學士見且哈醉點紫毫淋墨煤君才自與鬼
神鬪嗟我老矣安能陪

初食車螯一本題上云京師

纍纍盤中蛤來自海之涯坐客初未識食之先歎嗟

五代昔乖隔九州如剖瓜東南恨淮海邈不通夷華
於一作時北州人飲食陋莫加鷄豚爲異味貴賤無
等差自從聖人出天下爲一家南產錯交廣西珍富
邛巴水載每連舳陸輪動盈車谿潛細毛髮海恠雄
鬚牙豈惟貴公侯間巷飽魚鰕此蛤今始至其來何
晚邪螯蛾聞二名車螯一名車蛾又見南人誇璀璨殼如玉
斑斕點生花含漿不肯吐得火遽已呀共食惟恐後
爭先屢成譁但喜美無厭豈思來甚遐多慙海上翁
辛苦斷泥沙

送裴如晦之吳江

一本無下三字注
云席上分得已字

雞鳴車馬馳夜半聲未已皇皇走聲利與日爭寸晷
而我獨何爲閑宴奉君子京師十二門四方來萬里
顧吾坐中人暫聚浮雲爾念子一扁舟片帆如鳥起
文章富千箱吏祿求斗米白玉有時沽青衫豈須耻
人生足憂患合散乃常理惟應當歡時飲酒如飲水

盤車圖

一本上題和聖俞
下注呈楊直講

淺山嶙嶙亂石轟轟山石礲聲車碌碌山勢盤斜隨
澗谷側轍傾轅如欲覆出乎兩崖之隘口忽見百里
之平陸坡長坂峻牛力疲天寒日暮人心速揚褒一作
生恐饑官太學得錢買此纔盈幅愛其樹老石硬山

回路轉高下曲直橫斜隱見妍媸嚮背各有態遠近

分毫皆可辨自言昔古一作有數家筆畫古久一作傳多

名姓失後來見者知謂誰乞詩梅老聊稱述古畫畫

意不盡形梅詩詠物無隱情忘形得意知者寡不若

見詩如見畫乃知楊生真好竒此畫此詩兼有之樂

能自足乃一作為富豈必金玉名高貲朝看畫暮讀

詩楊生得此可不饑

答梅一作和聖俞莫登樓在禮部貢院鎖試

莫登樓樂哉都人方競遊樓闕夜氣春煙浮玉輪東

來從海陬織靄洗盡當空留燈光月色爛不收火龍

齋山祝千秋綠竿踏索雜幻優鼓喧管咽耳欲咻清

風嫋嫋夜悠悠瑩蹄文一作輪角車如流姪姹扶欄

車兩頭髡髦垂鬟嬌未羞念昔年少追朋儔輕衫駿

馬今則不中年病多昏兩眸夜視曾不如鶴鷗足雖

欲往意已休惟思睡眠擁衾稠人心利害兩不謀春

陽稍愆天子憂安得四野陰雲油其澤以時豐麥薶

遊騎踏泥非我愁

答聖俞莫飲酒此已下皆

子謂莫飲酒我謂莫作詩花開木落蟲鳥悲四時百

物亂我思朝吟搔頭暮蹙眉雕肝琢腎聞退之此翁

此語還自違豈如飲酒無所知自古不飲無不死惟
有爲善不可遲遺一作功施當世聖賢事不然文章千
載垂其餘醕酏一罇酒萬事崢嶸皆可齊腐腸糟肉
兩家說計較屑屑何其卑死生壽夭無足道百年長
短纔幾時但飲酒莫作詩子其聽我言非癡

思白兔雜言戲答公儀憶鶴之作

君家白鶴白雪毛我家白兔白玉毫誰將贈兩翁謂
此二物皎潔勝瓊瑤已憐野性易馴擾復愛仙格何
孤高玉兔四蹄不解舞不如雙鶴能清皞低垂兩翅
趣節拍一作節娑娑弄影誇嬌饒兩翁念此二物者久

不見之心甚勞京師少年殊好尚意氣橫出爭雄豪
清罇美酒不輒飲千金爭買紅顏韶莫令少年聞我
語笑我乖僻遭譏嘲或被偷開兩家籠縱此二物令
逍遙兔奔滄海却入明月窟鶴飛玉山千仞直上青
松巢索然兩衰翁何以慰無慘纖腰綠鬢旣非老者
事玉山滄海一去何由招

戲答聖俞

鶴行而啄青玉觜枯松脚兔蹲而纍尖兩耳攢四蹄
往往於人家高堂淨屋一作室曾見之錦裝玉軸掛壁
垂乍見拭目猶驚疑羽毛慘澹眼睛活若動不動如

風吹主人矜誇百金買云此絕筆人間奇畫師畫生
不盡死所得百分三二爾豈如翫物翫其真凡物可
愛惟精神況此二物物之珍月光臨靜夜雪色凌清
晨二物於此時瑩無一點纖埃塵不惟可醒醉翁醉
能使詩老詩思添清新醉翁謂詩老子勿謂我愚老
弄兔兒憐鶴雛與子俱老其衰乎柰何反捨我欲向
一作東家看舞姝須防舞姝見客笑白髮蒼顏君自
照

和梅龍圖公儀謝鵬

有詩鶴勿喜無詩鵬勿悲人禽固異性所趣各有宜
朝戲青竹林暮棲高樹枝呬山鹿鳴格磔野鳥啼
聲音不相通各以類自隨使鶴居籠中垂頭以一作

聽詩鷄鷓享鍾鼓魚鳥見西施鷓鶴不宜爭所爭良

可知蚍蜉與蟻子爲物固已微當彼兩交鬪勇如聞

鼓輦有心皆好勝未免爭是非於我一何薄於彼一

何私欄檻啄花卉叫號驚睡兒跳踉兩脚長落泊雙

翅垂何足充翫好於何定妍媸鵬口不能言夜夢以

告之主人起謝鵬從我今幾時僮奴謹守護出入煩

提攜逍遙遂棲息飲啄安雄雌花底弄日影風前理

毛衣豈非主人恩報効爾宜思主人今白髮把酒無

翠眉養鶴鵬又妬我言堪解頤

和聖俞感李花

昨日摘花初見桃今日摘花還見李晴風暖日苦相
催春物所餘知有幾中年多病壯心衰對酒思歸未
得歸不及牆根花與草春來隨處自芳菲

折刑部海棠戲贈聖俞二首

摇摇牆頭花笑笑弄顏色荒涼衆草間露此紅的皜
草木本無情及時如自得青春不可恃白日忽已異
繞之重吟哦歸坐成歎息人生浪自苦得酒且開釋
不見宛陵翁作詩頭早白

摇摇墻頭花豔豔爭青娥朝見開尚少暮看繁已多
不惜花開繁所惜時節過昨日枝上紅今日隨流波
物理固如此去一作來知奈何達人但飲酒壯士徒
悲歌

刑部看竹劾孟郊體

花妍兒女姿零落一何速竹色君子德猗猗寒更綠
京師多名園車馬紛馳逐春風紅紫時見此蒼翠王
凌亂迸青苔蕭疎拂葦屋森森日影閑濯濯生意足
幸此接清賞寧辭薦芳醪黃昏人去一作黃昏寂寂
一作寂寂人去

鎖空廊枝上月明春一作鳥宿

居士集卷第六

熙寧五年秋七月男發等編定

紹熙二年三月郡人孫謙益校正

答聖俞則止一作即止

石屏歌斲一琢一作雄雌雌一作雄

食車螯但喜知一作

莫飲酒雕肝琢腎一琢一作雕

思白兔白鶴白雪毛石本作雙鶴輕霜毛嬌嬌一妖爭買石本

買

感李花摘花還見李花一作桃

